

## FAKTA OG AKTUELL INFORMASJON OM ARGENTINA

Argentina er ein republikk i Sør-Amerika. Landet grensar til Chile i vest og i sør, til Paraguay og Bolivia i nord, og til Brasil og Uruguay i aust. Storparten av landet er lågland, vest i Argentina finst Andesfjella og i aust har landet ei lang kystlinje mot Atlanterhavet. Argentina er Sør-Amerika sitt nest største land (etter Brasil). Hovudstaden er Buenos Aires.

Innbyggjartalet var i 2017 44 millionar. Omkring 90 % av den argentinske folkesetnaden vert rekna som etterkommarar av europeiske immigrantar som fann vegen til Argentina på slutten av 1800 - og byrjinga av 1900-talet. Dei fleste er av spansk og italiensk avstamming.

Det rike slettelandet, La Pampa, mellom La Plata, Paraná og Chaco, har store kornåkrar og framifrå beite for landet sine store kveg-flokkar. Pampasen er Argentina sin økonomiske kjerne. Argentina betyr 'Sølvlandet', og har fått sitt namn etter elva Rio de la Plata sin munning.

## REISA

### Utreise

I god tid før reisa får du tilsendt informasjon om turen og deltakarliste med referansenummer som du brukar ved innsjekking.

**Møt opp minimum 2 timar før innsjekking.** Du må også ha passet ditt med for å kunne sjekke inn. Alle som reiser til Argentina må ha maskin-lesbart pass (der sida med bilde og info er av plast). Sjå Utanriksdepartementet sine sider om gyldighetstid for pass:

[https://www.regjeringen.no/no/tema/utenrikssaker/reiseinformasjon/velg-land/reiseinfo\\_argentina/id2415477/](https://www.regjeringen.no/no/tema/utenrikssaker/reiseinformasjon/velg-land/reiseinfo_argentina/id2415477/)

Vår tilråding er at passet ditt er gyldig 6 månader etter heimkomst, då er du på den sikre sida. Norske statsborgarar treng ikkje visum for turist- og forretningsopphald på mindre enn 90 dagar i Argentina.

Når du har kome gjennom sikkerheitskontrollen, skal du gå vidare til oppgjeven gate. **Pass på å komme tidleg til gaten, helst 1 time før avreise, då det ofte er kø i passkontrollen før gaten.**

Det er også fint om du tek på deg namneskiltet, slik at reiseleiaren kan sjå at du høyrer til gruppa vår, og det vert elles lettare å få kontakt med andre gruppedlemar frå starten av.

### Flyreisa til Argentina:

Reisa frå Noreg til Argentina tek om lag 23 timar med flybyte i London, vi får flysete med innebygde TV-skjermer, og elles puter og pledd. Det vert servert måltid undervegs med drikke, og ein kan kjøpe drikke mm i tillegg. Det er ei lang flyreise, og det er ettermiddag/nattflyging, så det er lurt å nytte tida til å få seg ein god blund.

Når du kjem til flyplassane der vi mellomandar (London), så følgjer du reiseleiar til det er vorte avklara gaten ein skal reise vidare frå. Vær på plass på gaten vidare i god tid, då langdistanseflya ofte startar boarding tidleg.

## Ankomst Argentina

Etter passkontroll går de til bagasjehenting. Når du har henta bagasje, melder du deg hjå reiseleiar før du går vidare mot utgangen. **Ingen må gå ut av bagasjehallen utan å ha meldt seg til reiseleiar!**

Ved utgangen i ankomsthallen på flyplassen i Buenos Aires står den lokale guiden vår og møter oss. Etter at alle har gått samla frå bagasjehallen saman med reiseleiarar, kan vi stoppe for å gå på toalettet, og ved minibanken for å ta ut pengar. Vi går vidare samla til bussen for avreise til hotellet.

## RÅD OG TIPS

### Prisnivå, tipsing mm

Lokal valuta er argentinske pesos og 100 pesos kostar 39,38 NOK (14.2.18). Visa er meir eller mindre universelt akseptert, både som betalingsmiddel og for uttak i minibankar. Mastercard, American Express og Diners Club er akseptert i noko mindre grad. Betre hotell tek stort sett alltid dei meste vanlege kredittkorttypene, i motsetnad til mindre, rimelegare hotell/herberge. Grensa for maks-uttak av kontantar i minibankar i Argentina kan vere mindre enn kortet si avgrensing. Normal tipsing er ti prosent og er ofte inkludert i rekninga.

**Før du reiser må du sjekke at du ikkje har regionsperre for Sør-Amerika på kortet ditt**

(banken set ofte dette automatisk), har du det vil du ikkje få brukt kortet. Ring banken din om du er usikker på kva som gjeld for deg.

I Argentina er prisane stort sett gunstige for oss nordmenn. USD er ein grei valuta å veksle. Tips på restaurantar bør ikkje utgjera meir enn 10 prosent av rekninga. Du treng ikkje gje tips til taxisjåførar. Det er vanleg at kvar gjest gjev guiden 5 USD og bussjåføren 3 USD kvar pr. dag. Det er naturlegvis alltid ei frivillig sak å gje tips, men i landa i Latin-Amerika er det særleg vanleg. For arrangement som er inkludert i reisa er det reiseleiar som står for tipsinga, utanom dette står kvar og ein fritt til å tipse på eiga hand. Tipsing skapar velvilje og god stemning.

### Tryggleik, Reiseforsikring, sjukdom, medisinar

Argentina er blant dei tryggaste landa i Sør-Amerika, og dei fleste reiser vert gjennomført utan spesielle problem. Den største risikoen er knytt til trafikkulukker og vinningskriminalitet. Ein bør utvisa aktsemd, særleg etter at det vert mørkt.

Det er kurant og enkelt å ta ut pengar frå minibank i Argentina. Men der, som over alt elles, må du passe på at ingen ser deg over skuldra når du tastar inn koden, og takk nei til hjelp frå folk du ikkje kjenner.

**På reise i Argentina er det svært viktig at du har ei gyldig reiseforsikring som gjeld for heile verda. Sjekk og at sjukehusopphald er dekket.**

Reseptfrie medisinar får du på apoteka som i Norge, har du faste medisinar du må ta, så må du sørge for at du har med deg nok til heile opphaldet, og at du har med deg erklæring frå lege (skreve på engelsk) på spesielle medisinar som du må ha.

**Vaksinasjonar:** Sjekk Folkehelseinstituttet sine heimesider, eller kontakt fastlegen din for oppdaterte vaksineråd for destinasjonen du skal til, i god tid før reisa. Nokon vaksiner fungerer ikkje fullgodt før det har gått ei tid. <https://www.fhi.no/sv/vaksine/reisevaksiner/aktuelle-reisevaksiner/>

**Brann:** På hotellet vil du finne oversikter over evakueringsvegar ved eventuell brann eller andre årsaker til evakuering. De må orientere dykk om desse og kvar næraste trapp er. De kan ikkje bruke heisen ved brann. De må ta dykk til resepsjonen, og evakueringsområdet, som vanlegvis er framfor hotellet. Dette vil reiseleiar seie noko om for kvart enkelt hotell. De skal møte ved evakueringsområdet og melde dykk til reiseleiar.

**Tryggleik i buss:** Der det er setebelte skal desse brukast. Hald dykk i ro i bussen i fart, om ikkje anna skulle tilseie dette (toalettbesøk eller liknande).

**Tryggleik i trafikken:** Trafikkulukker er ein vanleg årsak til død og ulukker. Vegane er av varierende kvalitet.

Det er difor viktig å vera oppmerksam når ein ferdast langs trafikkerte vegar og når ein skal kryssa gata. Vel drosjar, båtar og bussar ut ifrå tilgjengeleg tryggleiksinformasjon, spør reiseleiaren din om råd. Vi tilrår å bruke Radio taxi, alle godkjende taxiar skal ha registreringspapir godt synleg for passasjerar.

**Verdisaker:** Gå ikkje rundt med synlege dyre smykke, det kan verte ei for stor freisting for einskilde. Pass godt på veska, og ha ikkje lommebok i baklomma, eller mobil på ein stad det er lett å stele den. Vi opplever svært lite kriminalitet på våre destinasjonar, men det er alltid lurt å vere føre var!

Verdisaker bør ikkje etterlatast på hotellrom. Om det ikkje finst oppbevaringsboksar for verdisaker på hotellrommet, vil som regel resepsjonen vera behjelpeleg med dette. Ha til kvar tid på deg legitimasjon, pass eller eventuell fotokopi av pass.

### **Skikk og bruk**

Argentina har mange flotte kyrkjer å vitja. Man bør kle seg med respekt for religiøse skikkar ved besøk i desse (unngå berre skuldrar og korte skjørt/shorts). I regionen generelt er det vanleg å vera lettkledd på strender og i direkte nærleik til desse. Derimot vert forventa det meir formell kledning i moderne byområde og offentlege stadar.

### **Nyttige telefonnummer**

Lokale nødnummer. Politi: 101/911 Ambulanse: 107. Brann: 100. Turist-politi Buenos Aires kan kontaktes på telefonnummer 103 eller 911.

I krise og naudsituasjonar vert norske borgarar råda til å kontakte den norske ambassaden i Buenos Aires på telefon (+54) (0) 11 37 24 12 00. Ambassadens sentralbord er opent måndag-fredag 08:00-13:00 og 13:30-16:00.

Utanom kontortidene kan ein ringe til UD's døgnoperative senter direkte på +47 23 95 00 00 eller per e-post: [UDops@mfa.no](mailto:UDops@mfa.no)

### Telefon, internett (wifi) og straum

Retningsnummeret til Argentina er +54. Telefon- og mobilnettet er stabilt men kan nok opplevast som noko tregare enn i Noreg. Landkode frå Argentina til Noreg er 0047. Det er gratis wifi på hotellet vårt, og dessutan på mange kafear og restaurantar. Argentina har 220 volt og støpsel likt som i Norge, stort sett, ta med eit universal adapter for å vere sikker.

### Tidsforskjell

Tidsforskjellen mellom Noreg og Argentina varierer, alt etter om det er sumar- eller vintertid i Noreg.

Om sommaren: Minus 5 timar.

Om vinteren: Minus 4 timar.

**VI YNSKJER DYKK EI GOD REISE – OG MANGE GODE OG MINNERIKE OPPLIVINGAR SAMAN MED OSS!**

Helsing oss i Fotefar Temareiser



### Verstatistikk for Buenos Aires:

|                  | JAN | FEB | MAR | APR | MAI | JUN | JUL | AUG | SEP | OKT | NOV | DES |
|------------------|-----|-----|-----|-----|-----|-----|-----|-----|-----|-----|-----|-----|
| <b>Dagtemp.</b>  | 30  | 29  | 26  | 23  | 19  | 16  | 15  | 17  | 19  | 23  | 25  | 28  |
| <b>Nattemp.</b>  | 20  | 19  | 17  | 14  | 10  | 8   | 7   | 9   | 10  | 13  | 16  | 18  |
| <b>Nedbør mm</b> | 122 | 123 | 154 | 107 | 92  | 50  | 53  | 63  | 78  | 139 | 131 | 103 |